

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Sužbene novine Zeničko-dobojskog kantona“, broj: 7/10 i 3/23), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 70. sjednici, održanoj 07.03.2025. godine, d o n o s i

ZAKLJUČAK

I.

Prihvata se Mišljenje Ministarstva za obrazovanje, nauku, kulturu i sport broj: 10-02-1908-1-2/25 od 26.02.2025. godine, koje je dato na Prijedlog Zakona o sportskim kolektivima od posebnog značaja za Zeničko-dobojski kanton, a koji je predložila grupa predlagača-poslanika u Skupštini-Zeničko-dobojskog kantona: Huskić Čazim, Bulajić Goran, Ferić Hajrudin, Škaljo Omer, Kapković Alen, Granić Amela, Alija Ogrić, Sivić Almina i Delibašić-Alagić Naida, te čini sastavni dio ovog Zaključka i smatra se njegovim sastavnim dijelom.

II.

Zaključak s mišljenjem iz tačke I. prosljeđuje se Kolegiju Skupštine Zeničko-dobojskog kantona u dalju proceduru.

III.

Zaključak stupa na snagu danom donošenja.

Broj: 02-02-4061 /25.
Datum, 07.03.2025.godine
Zenica

Dostavljeno:
1x Ministarstvo za obrazovanje, nauku, kulturu i sport,
 Stručna služba Skupštine Zeničko-dobojskog kantona,
1x a/a.



Bosna i Hercegovina
Federacija Bosne i Hercegovine
ZENIČKO-DOBOJSKI KANTON
MINISTARSTVO ZA OBRAZOVANJE,
NAUKU, KULTURU I SPORT



Bosnia and Herzegovina
Federation of Bosnia and Herzegovina
ZENICA-DOBOJ CANTON
MINISTRY OF EDUCATION,
SCIENCE, CULTURE&SPORT

**MIŠLJENJE O PRIJEDLOGU ZAKONA O SPORTSKIM KOLEKTIVIMA OD
POSEBNOG ZNAČAJA ZA ZENIČKO-DOBOJSKI KANTON**



Bosna i Hercegovina, Zenica, Kučukovići br. 2
Tel: 032/460-840, fax: 460-842
e-mail min.obrazovanje@dk.ba

Na Prijedlog Zakona o sportskim kolektivima od posebnog značaja za Zeničko-dobojski kanton, koji je u skupštinsku proceduru uputila grupa zastupnika u Skupštini Zeničko-dobojskog kantona, Ministarstvo za obrazovanje, nauku, kulturu i sport daje sljedeće mišljenje:

Uvažavajući namjere i težnju grupe zastupnika u Skupštini Zeničko-dobojskog kantona, da se kroz predloženi Zakon na području Kantona stvore respektabilni klubovi koji će svojim djelovanjem značajno doprinijeti razvoju sporta i promovisati isti kako na području Bosne i Hercegovine tako i šire, smatramo da "Prijedlog Zakona o sportskim kolektivima od posebnog značaja za Zeničko-dobojski kanton" nije dovoljno i detaljno razrađen, te ne odražava opredjeljenje i viziju Ministarstva za obrazovanje, nauku, kulturu i sport Zeničko-dobojskog kantona kada je u pitanju razvoj i unapređenje sporta.

S tim u vezi, a imajući u vidu naprijed navedeno, smatramo da Ministarstvo **ne može dati pozitivno mišljenje na Prijedlog Zakona o sportskim kolektivima od posebnog značaja za Zeničko-dobojski kanton.**

S poštovanjem,

Broj: 10-02-1908-1-2/25
Zenica, 26.02.2025. godine



MINISTAR
Mirza Mušija



Broj: 02-1-02-1908-1-1/25
Zenica, 03.02.2025. godine

ZENIČKO-DOBOJSKI KANTON
MINISTARSTVO ZA OBRAZOVANJE, NAUKU
KULTURU I SPORT
N/R MINISTRA

PREDMET: Mišljenje o Prijedlogu Zakona o sportskim kolektivima od posebnog značaja za Zeničko-dobojski kanton, predlagača Huskić Čazima, Bulajić Gorana, Fermić Hajrudina, Škaljo Omera, Kapković Alena, Granić Amele, Ogrić Alije, Sivić Almine i Delibašić-Alagić Naide, poslanika u Skupštini Zeničko-dobojskog kantona, *traži se...*

Stručna služba Skupštine Zeničko-dobojskog kantona je, aktom broj: 01-02-1908-1/25 od 31.01.2025. godine, dostavila Vladi Zeničko-dobojskog kantona Prijedlog Zakona o sportskim kolektivima od posebnog značaja za Zeničko-dobojski kanton, predlagača Huskić Čazima, Bulajić Gorana, Fermić Hajrudina, Škaljo Omera, Kapković Alena, Granić Amele, Ogrić Alije, Sivić Almine i Delibašić-Alagić Naide, poslanika u Skupštini Zeničko-dobojskog kantona, radi davanja mišljenja Vlade shodno odredbama člana 111. i 112. a u vezi sa članom 118.stav 3. Poslovnika Skupštine Zeničko-dobojskog kantona.

Navedeni **Prijedlog Zakona o sportskim kolektivima od posebnog značaja za Zeničko-dobojski kanton, prosljeđuje vam se na postupanje kao nadležnom ministarstvu, te je potrebno da u skladu sa odredbama Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 10/21) dostavite prijedlog zaključka sa mišljenjem, radi razmatranja istog na sjednici Vlade Kantona.**

Aktom Stručne službe Skupštine traženo je da se u propisanom roku od 30 dana dostavi mišljenje Vlade povodom podnesene Inicijative, te navedeno treba imati u vidu prilikom pripreme mišljenja i dostavljanja materijala radi razmatranja na sjednici Vlade.

Prilog:
- Kao u tekstu

Dostavljeno:
1x Naslovu,
1x Premijeru (na znanje),
1x a/a.



SEKRETAR VLADE

Nedžad Mulagić



Broj: 01-02-1908-1/25
Zenica, 31.01.2025. godine

31 -01- 2025

03 -02- 2025

05 hf

VLADA ZENIČKO-DOBOJSKOG KANTONA
- n/r premijera Kantona
- n/r sekretara Vlade

PREDMET: Prijedlog Zakona o sportskim kolektivima od posebnog značaja za Zeničko-dobojski kantona – dostavlja se

Čazim Huskić, Goran Bulajić, Hajrudin Fermić, Omer Škaljo, Alen Kapković, Amela Granić, Alija Ogrić, Almina Sivić i Naida Delibašić-Alagić, zastupnici u Skupštini Zeničko-dobojskog kantona, podnijeli su u skupštinsku proceduru u pisanoj formi predsjedavajućem Skupštine Zeničko-dobojskog kantona **Prijedlog Zakona o sportskim kolektivima od posebnog značaja za Zeničko-dobojski kantona**, te predložili da se isti, shodno odredbi člana 140. stav 1. Poslovnika Skupštine Zeničko-dobojskog kantona – Četvrti prečišćeni tekst („Službene novine Zeničko-dobojskog kantona“, broj: 5/24), razmatra po skraćenom postupku, bez nacrt zakona, s obzirom da nije u pitanju složen i obiman zakon, što se vidi iz sadržaja istog, kako navode u dostavnom aktu o upućivanju Prijedloga Zakona u skupštinsku proceduru od 27.01.2025. godine, a koji je u Stručnoj službi Skupštine Kantona zaprimljen putem Protokola Ze-do kantona dana 31.01.2025. godine.

Odredbom člana 128. stav 1. Poslovnika Skupštine Zeničko-dobojskog kantona propisano je da „pravo predlaganja zakona ima svaki poslanik, radno tijelo Skupštine, Vlada Kantona i općinsko vijeće“, dok je stavom 2. istog člana propisano da „o načinu podnošenja prijedloga zakona, njegovog upućivanja Skupštini, drugim tijelima Skupštine i zainteresovanim organima i drugim organizacijama i zajednicama, njegovog dostavljanja Vladi radi davanja mišljenja u slučajevima kada prijedlog nije utvrdila Vlada, njegovog razmatranja u Zakonodavno-pravnoj komisiji, shodno se primjenjuju odgovarajuće odredbe ovog Poslovnika koje se odnose na nacrt zakona.“

Odredbom člana 118. stav 3. Poslovnika Skupštine Zeničko-dobojskog kantona propisano je da „nacrt zakona predsjedavajući dostavlja i Vladi radi davanja mišljenja u slučajevima kada nacrt nije utvrdila Vlada.“

S tim u vezi, shodno odredbi člana 118. stav 4., a u vezi sa članom 128. stav 2. Poslovnika Skupštine Zeničko-dobojskog kantona, **dostavljamo vam na mišljenje navedeni Prijedlog Zakona i molimo dostavu mišljenja u propisanom roku od 30 dana**, radi daljeg postupanja Skupštine po Prijedlogu Zakona u skladu s Poslovnikom Skupštine.

S poštovanjem,

SEKRETAR

Ibrahim Avdagić

PRILOG: Kao u tekstu

Dostavljeno:

2x Naslovu

1x Zakonodavno-pravnoj komisiji Skupštine Ze-do kantona – *svim članovima putem Odjeljenja za poslove radnih i drugih tijela Skupštine i radno-pravne poslove-04*

1x Poslasticima Skupštine Ze-do kantona /05-03

1x Ministarstvu za obrazovanje, nauku, kulturu i sport Ze-do kantona, *n/r ministra, na znanie*

1x U predmet – „R“/05-02

05-01/31.01/25. 14
05-02/31.01.25. 69

ĆAZIM HUSKIĆ, zastupnik Skupštine Zeničko-dobojskog kantona
GORAN BULAJIĆ, zastupnik Skupštine Zeničko-dobojskog kantona
HAJRUDIN FERMIĆ, zastupnik Skupštine Zeničko-dobojskog kantona
OMER ŠKALJO, zastupnik Skupštine Zeničko-dobojskog kantona
ALEN KAPKOVIĆ, zastupnik Skupštine Zeničko-dobojskog kantona
AMELA GRANIĆ, zastupnica Skupštine Zeničko-dobojskog kantona
ALIJA OGRIĆ, zastupnik Skupštine Zeničko-dobojskog kantona
ALMINA SIVIĆ, zastupnica Skupštine Zeničko-dobojskog kantona
NAIDA DELIBAŠIĆ-ALAGIĆ, zastupnica Skupštine Zeničko-dobojskog kantona

Zenica, dana 27.01.2025. godine

ZENIČKO-DOBOJSKI KANTON
SKUPŠTINA
n/r predsjedavajućeg

PRIMLJENO: 31-01-2025			
Org. jedinica	Klasifik. oznaka	Redni broj	Broj priloga
01	02	1908	

PREDMET: Prijedlog Zakona o sportskim kolektivima od posebnog značaja za Zeničko-dobojski kanton – dostavlja se

Na osnovu člana 127. i 128. Poslovnika Skupštine Zeničko-dobojskog kantona podnosimo **Prijedlog Zakona o sportskim kolektivima od posebnog značaja za Zeničko-dobojski kanton**, te shodno odredbi člana 140. stav 1. Poslovnika Skupštine Zeničko-dobojskog kantona, predlažemo da se isti razmatra po skraćenom postupku, bez nacрта zakona, s obzirom da nije u pitanju složen i obiman zakon, što se vidi iz sadržaja istog.

Prijedlog navedenog Zakona takođe ćemo dostaviti i u elektronskoj fomi.

S poštovanjem,

PRILOZI: - Prijedlog Zakona o sportskim kolektivima od posebnog značaja za Zeničko-dobojski kanton sa obrazloženjem,
- Popunjen obrazac Izjave o fiskalnoj procjeni (Obrazac IFP NE)

**PODNOŠIOCI PRIJEDLOGA ZAKONA:
ZASTUPNICI SKUPŠTINE ZDK**


Ćazim Huskić


Goran Bulajić



Hajrudin Ferić


Omer Škaljo


Alen Kapković


Amela Granić


Alija Ogrić


Almina Sivić


Naida Delibašić-Alagić

Na osnovu član 37. stav 1. tačka f) Ustava zeničko-dobojskog kantona, Skupština Zeničko-dobojskog kantona na sjednici ____ održanoj dana ____ 01. 2025. godine, d o n o s i:

ZAKON O SPORTSKIM KOLEKTIVIMA OD POSEBNOG ZNAČAJA ZA ZENIČKO-DOBOJSKI KANTON

I. Opće odredbe

Član 1. (Predmet Zakona)

Ovim Zakonom uređuje se status, prava i obaveze sportskih kolektiva od posebnog značaja za Zeničko-dobojski kanton (u daljem tekstu: Kanton), kontrola i način njihovog finansiranja iz budžeta Kantona, kao i razvoj infrastrukture neophodne za razvoj i promociju sporta, kao i druge relevantne odredbe.

Član 2. (Definicija sportskih kolektiva od posebnog značaja)

Sportski kolektivi od posebnog značaja za Kanton su sportske organizacije koje svojim djelovanjem doprinose promociji i razvoju sporta, očuvanju sportskih tradicija i postizanju sportskih rezultata u Kantonu. Sportski kolektivi vrše svoju djelatnost u skladu sa članom 7., 8. i 9. Zakona o Sportu Zeničko-dobojskog kantona (u daljem tekstu: Zakon o sportu).

Član 3. (Strategija razvoja sporta Zeničko-dobojskog kantona i Zakon o sportu)

Strategija razvoja sporta Zeničko-dobojskog kantona, (u daljem tekstu: Strategija), predstavlja osnovni dokument na kojem se temelje svi dalji razvojni planovi i aktivnosti sportskih kolektiva od posebnog značaja. Osim Strategije, primjenjuju se i odredbe Zakona o sportu Zeničko-dobojskog kantona ("Službene novine Zeničko-dobojskog kantona", broj 11/02, 01/04, 09/11, i 6/17), koji propisuje osnovne principe i smjernice za razvoj sporta u Kantonu.

II. Sportski kolektivi od posebnog značaja

Član 4. (Naziv sportskih kolektiva)

Sportski kolektivi od posebnog značaja za Kanton su:

	Sport	Kolektiv	Grad / Općina
1	Nogomet	NK ČELIK	ZENICA
2	Košarka - M	OKK ČELIK	ZENICA
3	Nogomet	NK Nemila	ZENICA
4	Atletika	AK Zenica	ZENICA
5	Košarka - Ž	ŽKK ČELIK	ZENICA
6	Rukomet	ŠK ČELIK JUNIOR	ZENICA
7	Ragbi	RK ČELIK	ZENICA
8	Odbojka	OK ČELIK Volley	ZENICA

9	Nogomet	FK RUDAR	KAKANJ
10	Odbojka	OK KAKANJ	KAKANJ
11	Nogomet	NK BOSNA	VISOKO
12	Rukomet	RK BOSNA	VISOKO
13	Nogomet	NK TOŠK	TEŠANJ
14	Rukomet	KRIVAJA	ZAVIDOVIĆI
15	Rukomet - Ž	KRIVAJA	ZAVIDOVIĆI
16	Nogomet	NK ŽEPČE	ŽEPČE
17	Košarka	KK ORLOVIK	ŽEPČE
18	Rukomet	RK MAGLAJ	MAGLAJ
19	Nogomet	NK NATRON	MAGLAJ
20	Nogomet	NK STUPČANICA	OLOVO
21	Nogomet	FK RUDAR	BREZA
22	Nogomet	NK VAREŠ	VAREŠ

Član 5.
(Kriteriji za dodjelu statusa)

Status sportskog kolektiva od posebnog značaja dodjeljuje se sportskim kolektivima koji ispunjavaju sljedeće kriterije:

1. Dugogodišnja tradicija i kontinuitet u radu,
2. Sportski rezultati,
3. Aktivno učešće u razvoju sporta i sportskih talenata u Kantonu,
4. Promocija sporta među mladima.

Pored pojedinačnih naziva sportskih klubova od značaja za Kanton, neophodno je definisati i općine u kojima, umjesto ulaganja u sportske kolektive, prioritet treba dati razvoju sportske infrastrukture, uz jasno propisane kriterije i način upotrebe dodijeljenih sredstava iz budžeta Kantona, koji će uključivati demografske, geografske i socio-ekonomske pokazatelje, kao i doprinos razvoju lokalne sportske zajednice.

III. Kontrola i finansiranje

Član 6.
(Način kontrole i sadržaj izvještaja)

Kontrola rada sportskih kolektiva od posebnog značaja vrši se putem redovnih godišnjih izvještaja koje su kolektivi obavezni dostaviti nadležnom kantonalnom organu za sport. Izvještaji uključuju:

1. Finansijske izvještaje,
2. Izvještaje o sportskim rezultatima,
3. Plan rada za narednu godinu.

Kontrolu korištenja finansijskih sredstava vrši Ministarstvo za obrazovanje, nauku, kulturu i sport, (u daljem tekstu: Ministarstvo), u saradnji sa Kantonalnom revizorskom službom. Kontrola se vrši putem redovnih i vanrednih revizija, te putem obaveznog godišnjeg izvještavanja sportskih kolektiva o trošenju dodijeljenih sredstava.

Za općine u kojima je prioritet razvoj sportske infrastrukture, Ministarstvo vrši kontrolu realizacije infrastrukturnih projekata. Općine su obavezne dostaviti:

1. Godišnji izvještaj o realizaciji infrastrukturnih projekata,
2. Finansijski izvještaj o utrošenim sredstvima,
3. Plan infrastrukturnog razvoja za narednu godinu.

Ovim izvještavanjem osigurava se transparentnost i usklađenost s kantonalnim strategijama razvoja sporta i infrastrukture u cjelini.

Član 7. (Način finansiranja)

Finansiranje sportskih kolektiva od posebnog značaja vrši se iz budžeta Kantona sukladno članu 44. i 45. Zakona o sportu, i to:

1. Sredstva za redovno poslovanje,
2. Sredstva za posebne projekte i aktivnosti usklađene sa Strategijom i Zakonom o sportu,
3. Sredstva za sportske manifestacije i takmičenja od značaja za Kanton.

Član 8. (Uslovi za dodjelu sredstava)

Uslovi za dodjelu sredstava iz budžeta Kantona uključuju:

1. Predstavljanje detaljnog plana trošenja sredstava,
2. Dostavljanje dokaza o ranijem korištenju sredstava u skladu sa zakonskim odredbama,
3. Provođenje vanrednih revizija u slučaju sumnje na nenamjensko trošenje sredstava, koje sprovodi Ministarstvo i Ured za borbu protiv korupcije Zeničko-dobojskog kantona,
4. Transparentnu objavu svih dodijeljenih sredstava, korisnika i namjene na službenim web stranicama Kantona, uključujući rezultate kontrola i revizija,
5. Uspostavljanje mehanizma povrata sredstava u slučaju utvrđenog nenamjenskog trošenja, te zabranu apliciranja za buduća sredstva za period od najmanje tri godine.

Član 9. (Iznos finansiranja)

Preciznu raspodjelu sredstava po sportskim kolektivima određuje svake godine Vlada Kantona, na prijedlog Ministarstva, u zavisnosti od njihovih potreba i postignutih rezultata, a prema kriterijima i smjernicama utvrđenim ovim Zakonom, Strategijom i Zakonom o sportu, izuzev za 2025. godinu, za koju se raspodjela sredstava sportskim kolektivima od posebnog značaja, odnosno za razvoj infrastrukture, neposredno vrši ovim zakonom, prema sljedećim iznosima:

	Sport	Kolektiv	Grad / Općina	Iznos	%
1	Nogomet	NK ČELIK	ZENICA	600.000,00	
2	Košarka - M	OKK ČELIK	ZENICA	240.000,00	
3	Nogomet	NK Nemila	ZENICA	220.000,00	
4	Atletika	AK Zenica	ZENICA	80.000,00	
5	Košarka - Ž	ŽKK ČELIK	ZENICA	100.000,00	
6	Rukomet	ŠK ČELIK JUNIOR	ZENICA	70.000,00	
7	Ragbi	RK ČELIK	ZENICA	40.000,00	

8	Odbojka	OK ČELIK Volley	ZENICA	20.000,00		
					1.370.000,00	45,70
9	Nogomet	FK RUDAR	KAKANJ	130.000,00		
10	Odbojka	OK KAKANJ	KAKANJ	90.000,00		
					220.000,00	7,34
11	Nogomet	NK BOSNA	VISOKO	130.000,00		
12	Rukomet	RK BOSNA	VISOKO	90.000,00		
					220.000,00	7,34
13	Nogomet	NK TOŠK	TEŠANJ	220.000,00		
					220.000,00	7,34
14	Rukomet	KRIVAJA	ZAVIDOVIĆI	110.000,00		
15	Rukomet - Ž	KRIVAJA	ZAVIDOVIĆI	110.000,00		
					220.000,00	7,34
16	Nogomet	NK ŽEPČE	ŽEPČE	50.000,00		
17	Košarka	KK ORLOVIK	ŽEPČE	120.000,00		
					170.000,00	5,67
18	Rukomet	RK MAGLAJ	MAGLAJ	72.500,00		
19	Nogomet	NK NATRON	MAGLAJ	72.500,00		
					145.000,00	4,84
20	Nogomet	NK STUPČANICA	OLOVO	145.000,00		
					145.000,00	4,84
21	Nogomet	FK RUDAR	BREZA	100.000,00		
					100.000,00	3,34
22	Nogomet	NK VAREŠ	VAREŠ	75.000,00		
					75.000,00	2,50
23	Infrastruktura		USORA	56.500,00		
					56.500,00	1,88
24	Infrastruktura		DOBOJ JUG	56.500,00		
					56.500,00	1,88
	UKUPNI IZNOS			2.998.000,00	2.998.000,00	100,00

Član 10.

(Nadležnost za realizaciju finansiranja i kontrolu)

Za realizaciju finansiranja sportskih kolektiva od posebnog značaja zaduženo je Ministarstvo za obrazovanje, nauku, kulturu i sport Zeničko-dobojskog kantona.

IV. Prijelazne i završne odredbe

Član 11.

(Dostavljanje dokaza o ispunjavanju uslova za dodjelu sredstava)

Sve sportske organizacije iz člana 4. ovog zakona dužne su dostaviti dokaze o ispunjavanju uslova za dodjelu sredstava, shodno članu 8. ovog zakona, nadležnom kantonalnom Ministarstvu za obrazovanje, nauku kulturu i sport, najkasnije 60 dana od stupanja na snagu ovog Zakona.

Član 12.

(Obaveza korisnika sredstava)

Svi korisnici sredstava obavezni su da se pridržavaju odredbi ovog zakona i pratećih pravilnika, te da na zahtjev Ministarstva dostave dodatne informacije i dokumentaciju u vezi sa realizacijom sredstava.

Član 13.

(Donošenje podzakonskih akata)

Ministarstvo je obavezno donijeti neophodne akte potrebne za primjenu ovog zakona u roku od 90 dana od dana njegovog stupanja na snagu. Ovi akti obuhvataju, ali nisu ograničeni na:

- a) Detaljne kriterije i procedure za dodjelu sredstava,
- b) Način praćenja i izvještavanja korisnika sredstava,
- c) Proceduru za provođenje provjera i sankcionisanje nepravilnosti,
- d) Oblik i sadržaj izvještaja koji korisnici sredstava dostavljaju Ministarstvu.

Član 14.

(Stupanje na snagu i objavljivanje)

Ovaj Zakon stupa na snagu osam dana od dana objavljivanja u „Službenim novinama Zeničko-dobojskog kantona.“

Broj: _____
Datum, ____ 2025. godine
Z e n i c a

PRESJEDAVAJUĆI

Ćazim Huskić

Obrazloženje

I PRAVNI OSNOV

Pravni osnov za donošenje Zakona o sportskim kolektivima od posebnog značaja za Zeničko-dobojski kanton sadržan je u odredbi član 37. stav 1, tačka f) ustava Zeničko-dobojskog kantona (Službene novine Zeničko-dobojskog kantona" br. 1/96, 10/00, 8/04, i 10/04) kojim je propisano da Skupština Zeničko-dobojskog kantona donosi zakone i druge propise za izvršavanje svojih nadležnosti.

II RAZLOZI DONOŠENJA ZAKONA

Razlog za donošenje ovog zakona je trenutno stanje sportskih kolektiva na području Zeničko-dobojskog kantona, koji učestvuju u takmičenjima na različitim nivoima, odnosno koji imaju omladinske i druge sekcije unutar sportskih kolektiva, te pomoć pojedinim općinama u kreiranju ambijenta za bolji i veći razvoj sporta, i sportskih kolektiva.

Većina sportskih kolektiva koji su od značaja za Zeničko-dobojski kanton, imaju velikih problema sa izvorima i načinima finansiranja svojih aktivnosti. Zbog toga je pokrenuta inicijativa, da se sportskim klubovima od značaja za Zeničko-dobojski kanton omogući finansiranje putem Budžeta Zeničko-dobojskog kantona, te time omogućili finansijsku sigurnost potrebnu za obavljanje sportske djelatnosti.

U pojedinim općinama neophodno je kreirati ambijent i napraviti potrebnu infrastrukturu za razvoj sporta i sportskih kolektiva, a što će se djelomično i riješiti ovim prijedlogom zakona. Stanje sportskih objekata, neophodni za realizaciju sportskih aktivnosti, često ne zadovoljava osnovne standarde, što se adekvatnim ulaganjem sredstvima iz Budžeta, može bitno promijeniti.

Putem ovog zakona će se, također, osnažiti podrška vrhunskim sportistima, promovirati zdrav način života, naročito za omladince koji su članovi omladinskih sekcija sportskih klubova od značaja za Zeničko-dobojski kanton, promoviranje takmičarskog sporta i stimulacija za postizanje boljih sportskih rezultata, promoviranje sportskih kolektiva u zajednici kao društvene kategorije od značaja za zdravlje i tjelesni odgoj djece i odraslih, aktivno uključivanje osoba sa posebnim psihofizičkim potrebama u rad sportskih kolektiva.

III OBRAZLOŽENJE PRAVNIH RJEŠENJA

Članom 1. se utvrđuje predmet zakona, odnosno naznaka da se zakonom uređuje status, prava i obaveze sportskih kolektiva od značaja za Zeničko-dobojski kanton.

Članom 2. se utvrđuje definicija sportskih klubova od značaja za Zeničko-dobojski kanton u smislu doprinosa tih sportskih klubova promociji i razvoju sporta, očuvanja sportskih tradicija, te u postizanju sportskih rezultata na različitim nivoima takmičenja.

Članom 3. se zakon poziva i na realizaciju zacrtanih ciljeva u Strategiji razvoja sporta Zeničko-dobojskog kantona, kao jednim od osnovnih dokumenata, pored Zakona o Sportu Zeničko-dobojskog kantona, i koji predstavljaju osnovne smjernice u realizaciji ovog zakona i ispunjavanju njegova cilja i svrhe.

Članom 4. se određuju taksativno nabrojani sportski kolektivi od posebnog značaja za razvoj sporta.

Članom 5. se određuju kriteriji za dodjelu statusa sportskog kolektiva od posebnog značaja za Zeničko-dobojski kanton, a to je dugogodišnja tradicija i kontinuitet u radu sportskog kolektiva, ostvareni sportski rezultati na različitim novima takmičenja, odnosno među sekcijama unutar sportskog kolektiva, te aktivnosti sportskog kolektiva u razvoju i promociji sporta na području na

kojem djeluje, a naročito promocija sporta među mladima, te podrška i pomoć u razvoju sportskih talenata. Navedeni kriteriji se odnose i na izgradnju neophodne sportske infrastrukture za razvoj sporta i promociju sporta među mladima.

Članom 6. utvrđuje se način kontrole rada sportskih klubova od značaja za Zeničko-dobojski kanton, i koji se finansiraju iz Budžeta Zeničko-dobojskog kantona. Kontrola rada sportskih kolektiva podrazumijeva dostavljanje obaveznih izvještaja nadležnom kantonalnom organu za sport, odnosno Ministarstvu za obrazovanje, nauku, kulturu i sport Zeničko-dobojskog kantona, koje će, u saradnji sa revizorima, ispravnost izvještaja i načina trošenja dodijeljenih sredstava.

Članom 7. se utvrđuje način finansiranja sportskih kolektiva od značaja za Zeničko-dobojski kanton, u smislu da se sredstva dodjeljuju za redovno poslovanje sportskih kolektiva, što podrazumijevaju troškovi redovnih aktivnosti sportskih kolektiva, zatim zasebni projekti i aktivnosti koje proizilaze iz smjernica Strategije razvoja sporta i zakona o sportu Zeničko-dobojskog kantona, te sredstva koja su neophodna za održavanje sportskih manifestacija i takmičenja, koji su od značaja za Zeničko-dobojski kanton.

Članom 8. se utvrđuju zasebni uslovi za dodjelu sredstava, a što predstavlja detaljan plan utroška planiranih sredstava za dodjelu, kao i dostavljanje dokaza o ranijem korištenju sredstava, ukoliko su navedeni sportski kolektivi od značaja za Zeničko-dobojski kanton učestvovali u finansiranju svojih aktivnosti putem budžetskih sredstava.

Članom 9. se utvrđuje iznos finansiranja za svaki od navedenih sportskih kolektiva od značaja za Zeničko-dobojski kanton, u ovisnosti o planiranim sredstvima u okviru Budžeta Zeničko-dobojskog kantona.

Članom 10. utvrđuje se organ nadležan za realizaciju finansiranja, odnosno Ministarstvo za obrazovanje, nauku, kulturu i sport Zeničko-dobojskog kantona.

Članom 11. utvrđuje se obaveza dostavljanja dokaza o ispunjavanju uslova za dodjelu sredstava.

Članom 12. utvrđuju se obaveza korisnika sredstava.

Članom 13. utvrđuje se donošenje podzakonskih akata.

Članom 14. se propisuje stupanje na snagu zakona i objavljivanje.

IV FINANSIJSKA SREDSTVA

Prijedlogom zakona je predviđeno korištenje finansijskih sredstava Bužeta Zeničko-dobojskog kantona predviđenih za finansiranje sportskih aktivnosti i infrastrukture neophodne za sportske aktivnosti.

OBRAZAC IZJAVA O FISKALNOJ PROCJENI

Obrazac IFP NE

A 1. Obradivač propisa

KOD	NAZIV
10010001	SKUPŠTINA KANTONA

B 2. Osnovni podaci o prijedlogu propisa

Zakon	DA	Odluka	NE	Strategija	NE
Uredba	NE	Drugi akti	NE	Drugi akti planiranja	NE

Naziv propisa/akta

C 3. Izjava o nepostojanju dodatnih fiskalnih efekata predloženog propisa

Donošenje Zakona o sportskim kolektivima od posebnog značaja za Zeničko-dobojski kanton neće imati fiskalne posljedice na Budžet za 2025. godinu u smislu obazbjedvana dodatnih budžetskih sredstava, osim planiranih.

Podnosioci Prijedloga Zakona:

Čazim Huskić, Goran Bulajić
Omer Škaljo, Alen Kapković
Amela Granić, Alija Ogrić
Almina Sivić, Hajrudin Ferić
Naida Delibašić-Alagić

D 4. Pečat i potpis odgovornog lica obradivača, odnosno predlagača propisa

Mjesto i datum

Zenica, dana 27.01.2025. godine